


# Bulig Para Masabat ang mga Pamangkot

Ano ang ginabatyag mo kon pamangkuton ka parte sa imo mga ginapatihan? Natural lang nga makulbaan ka. Basaha ang ginsiling ni Jeremias kag ang ginpalig-on ni Jehova sa Jeremias 1:6-8. Ginbuligan sang Dios si Jeremias, kag buligan ka man Niya para masugid mo sa iban ang imo mga ginapatihan.

Mas may kompiansa ka man kon nakahanda ka. Subong pamilya, tan-awa ninyo ang “Mga Pirme Ginapamangkot Parte sa mga Saksi ni Jehova,” sa [jw.org/hil](http://jw.org/hil). (Buksi ang PARTE SA AMON > MGA PIRME GINAPAMANGKOT.) Magpili sing pamangkot nga mahimo ipamangkot gid sa imo. Basaha ang sabat.

Istoryahi ninyo kon paano sabton ang pamangkot sa inyo kaugalingon nga tinaga. Dayon, magpraktis paagi sa pagbulosbulos sa pagpamangkot kag pagsabat. Isulat ang pamangkot sa una nga bilog sa ibabaw sang ulo sang bata. Isulat ang imo sabat sa ikaduha nga bilog.



- **TILAWI INI:** Kilalaha pa gid ang manalagna nga si Jeremias. I-download ang Bible Card nga Jeremias sa [jw.org/hil](http://jw.org/hil). (Buksi ang PANUDLO SANG BIBLIA > KABATAAN > BIBLE CARD.) Tilawi nga sabton ang mga pamangkot sa card, kag basaha ang card para mabal-an kon insakto ang imo sabat.